

Notamus verò impraesentiarum circa vocem Spiritus, nos eam non accipere in sensu Etymologico, Physicis alias usitato, quatenus per Spiritum mox substantia sanguinis praestantissima in arteriis et venis, mox vero corpora subtiliora ac tenuiora, aer scilicet ac ventus, intelliguntur, vi enim Etymologiae vox Spiritus descendit a spirare, hinc Germanice appellatur Geist/Belgice Gheest a verbo gisten fermentare, unde Gist fermentatio, quae vocabula omnia ventum, halitum, vel spiraculum significant, vid. *Braunius* in *Doctrina Foederum* Vol. I. P. 2. C. XI. Loc. 5. de Angelis §. 4. p. 245. sed in significatione usitata et Metaphysicis trita, prout notat substantiam immaterialem omnique corporeae molis expertem, hoc sensu a Salvatore nostro Luc. XXIV, 39. describitur: *Spiritus est, qui non habet carnem et ossa.* Equidem priori in significato veteribus *Chaldaeis, Platonis* et *Pythagoraeis* Angeli fuere Spiritus; Hi enim omnibus Spiritibus, excepto DEO Deorum, corpus attribuerunt, sed tenuius multo quam nostrum, de quibus vid. *Histor. Philos. Orient. T. Stanleii* de *Chaldaeorum* opinione, *Clericus* in *Pneumatol.* de Angelis, ut et *Dn. D. Ioh. Franciscus Buddeus* in *Element. Philos. Theoret.* part. 6. de Spiritibus C. I. de Spirit. creat. §. VII. p. 330. seq. Quos etiam secuti sunt nonnulli ex Scholasticis, ut *Caietanus, Eugubin. Bonavent. Richard. Aureol.* vid. *Arriag.* Tr. II. Disp. 3. S. I. p. 18. Quidam *Reformati, Arminiani* alique, quos magno adductos numero vide apud *Quensted.* l. c. p. 463. et seq. confer etiam *M. Gödicke* in *Diss. de prerogatiu. Angeli et animae rationalis* Lipsiae 1687. habita. Hanc quoque erroneam potissimum tuetur sententiam *Hobbesius* in *Elem. de Corpore* cap. XXII. et cum eo non pauci Medici ac Physici, affirmantes, quicquid reale existat, corpus esse debere, reliqua omnia pro phantasmatis habenda, vid. *Dn. D. V. E. Löescherus* l. c. praenot. contra *Naturalistas* III. p. 214. seqq. Nec desunt nostris temporibus, qui crassum illud dogma ex ipsa *Script. S.* quanquam male accepta, de nouo stabilire conan-